

§. 10.

Sed ne quis fortè excipiat, Apostolum ibi per uxorem Ecclesiam intelligere, nimirum, Episcopus non pluribus, sed uni præfectus sit Ecclesiæ, nec transeat ab unâ Ecclesiâ ad aliam, sed alligatus sit uni Ecclesiæ, sicut vir uxori; *Resp.* manifestam esse textus depravationem; Paulus enim loquitur de tali uxore, ex qua Episcopus liberos susceperit; & curam domus, h. e. liberorum & familiæ diserte Paulus distinguit à gubernatione Ecclesiæ.

§. 11.

Secundum argumentum fluit *ex Hebr. 13. v. 4.* ubi honorabile dicitur matrimonium in omnibus, sive inter quosvis, h. e. inter cujusvis ordinis homines, & *thoris immaculatus*, τῆς ὁ γάμος ἐν πᾶσι, καὶ ἡ κοίτη ἀμίαντος; ex quo loco tale formamus argumentum: Quicquid in omnibus honorabile, illud non est certo hominum generi, ad id idoneo, idemque legitimè expetenti, prohibendum. At conjugium, (*juxta Apostoli assertionem*) in omnibus est honorabile. E. illud non certo hominum generi ad id idoneo, idemque legitimè expetenti prohibendum.

§. 12.

Hæc expressa Scripturæ oracula non exhaust exceptio ista Pontificia, quam Jesuitæ probant, videlicet: quod professio Monastica, & Sacerdotium impediunt matrimonium legitimum; sed apertè, & ex diametro dictis illis Sacræ S. contradicit, & ex propositionibus completè universalibus, quæ non cum restrictione, sed cum ampliacione accipiendæ sunt, de omnibus, (qui donum perpetuæ continentia

NON